



Cronfa Amaethyddol Ewrop ar
gyfer Datblygu Gwledig:
Ewrop yn Buddsoddi mewn Ardaloedd Gwledig
European Agricultural Fund for
Rural Development:
Europe Investing in Rural Areas



Llywodraeth Cymru
Welsh Government



Llywodraeth Cymru
Welsh Government

www.cymru.gov.uk

Glastir

Glastir Organig

Llyfryn Rheolau 2017

Cymunedau Gwledig Llywodraeth Cymru –
Rhaglen Datblygu Gwledig 2014-2020



CYNNWYS

	Tudalen
Prif bwyntiau	<u>5</u>
Adran A – Cyflwyniad	<u>7</u>
• Safonau Organig	<u>8</u>
Adran B – Pwy sy’n gymwys	<u>9</u>
• Ffermwr Actif	<u>9</u>
Adran C - Pa dir sy’n gymwys	<u>10</u>
• Gofynion ardystio	<u>11</u>
Adran D – Rheolau Glastir Organig	<u>12</u>
• Cynllun Busnes Organig	<u>13</u>
• Tir mewn cynlluniau eraill	<u>13</u>
Adran E – Ceisio am Glastir Organig	<u>15</u>
• Y broses ddewis	<u>15</u>
• Contract Glastir Organig	<u>16</u>
Adran F – Taliadau	<u>18</u>
• Diffinio'r Cyfraddau Talu	<u>19</u>
• Pwy sy’n gymwys am gyfraddau talu ‘troi’n organig’	<u>20</u>
• Pwy sy’n gymwys am gyfraddau talu ‘cynnal organig’	<u>21</u>
• Costau ardystio Corff Rheoli Organig	<u>21</u>
• Beth sy’n rhaid imi ei wneud i gael fy nhalu ?	<u>21</u>
Adran G - Newid y Contract	<u>23</u>
• Trosglwyddo neu Werthu tir o dan gontract	<u>23</u>
• Beth sy’n digwydd os bydda i’n rhoi'r gorau i ffermio'n organig cyn diwedd fy nghontract?	<u>24</u>
Adran H – Rheolaeth Lwyr	<u>26</u>
Adran I – Archwiliadau a Chofnodion	<u>30</u>

Adran J – Cosbau	<u>32</u>
Adran K – Y Drefn Apelio	<u>34</u>
Adran L – Deddf Diogelu Data 1998: Hysbysiad Prosesu Teg	<u>35</u>
Atodiad 1 – Codau Cnydau	<u>38</u>
Atodiad 2 – Prawf Ffermwr Actif?	<u>40</u>

Prif bwyntiau

- Elfen o Gynllun Glastir Llywodraeth Cymru yw Glastir Organig. Diben Glastir Organig yw helpu i gynnal ffermwyr a chynhyrchwyr organig sy'n rheoli tir mewn ffordd sy'n dod â manteision amgylcheddol. Mae Glastir Organig yn agored i'r rheini sydd eisoes yn gynhyrchwyr organig a hefyd i'r rheini sydd am droi at gynhyrchu organig, cyn belled â'u bod i gyd yn bodloni'r amodau. Contract 5 mlynedd gyda Llywodraeth Cymru yw Glastir Organig.
- Fel rhan o ymrwymiad Llywodraeth Cymru i Gymru ddigidol, mae ffurflen gais Glastir Organig wedi'i datblygu ar-lein ac mae ar gael trwy wasanaeth Taliadau Gwledig Cymru (RPW) ar-lein yn uing.
- Os nad ydych wedi cofrestru gydag RPW Ar-lein eto ac nad ydych wedi cael cod defnyddio, ffoniwch y Ganolfan Gyswllt i Gwsmeriaid ar 0300 062 5004 **cyn gynted ag y medrwch**. Fe gewch chi'r manylion sydd eu hangen arnoch ganddynt trwy'r post.
- I gael help i lenwi'ch cais Glastir Organig ar-lein, ewch i www.llyw.cymru/rpwarlein. Os nad oes gennych gyswllt band eang neu os hoffech ragor o help, ffoniwch y Ganolfan Gyswllt i Gwsmeriaid ar 0300 062 5004 **cyn gynted ag y medrwch** i drafod yr help digidol sydd ei angen arnoch a ffyrdd eraill o ymgeisio.
- Bydd cyfnod ymgeisio Glastir Organig 2017 ar gael ar 17 Hydref 2016 ac yn cau ganol nos 4 Tachwedd 2016.
- Er mwyn gallu cael taliad Glastir Organig, rhaid ichi fod yn Ffermwr Actif – gweler Adran B am ragor o fanylion.
- Bydd gofyn ichi gyflwyno Cynllun Busnes ddim hwyrach na 31 Rhagfyr 2017.
- Pwysig: bydd y broses ar gyfer ymuno â Glastir Organig yn un gystadleuol. Caiff ceisiadau eu hasesu a'u syn unol ag amcanion Glastir Llywodraeth Cymru ar gyfer rheoli eu tir er lles yr amgylchedd.

- Er mwyn gallu bodloni amodau Glastir Organig, rhaid i'r holl dir sydd o dan y contract fod wedi'i ardystio gyda Chorff Rheoli Organig yn ddi-dor am oes y Contract sy'n dechrau ar 1 Ionawr 2017. Rhaid cyflwyno Tystysgrif a Rhestr Tir ddiweddaraf y Corff Rheoli Organig ddim hwyrach na 30 Ebrill ym mlwyddyn gynta'r contract ac wedi hynny, o fewn 30 diwrnod cyn y daw'r dystysgrif i ben. Pwysig: ni chewch daliad os ydym yn disgwyl gweld tystysgrif.
- Mae'n bwysig bod y tir i gyd sy'n dod o dan y contract organig o dan eich rheolaeth lwyd chi dros oes y contract. Dim ond tir sydd yn barod wedi ei gofrestru gyda RPW a fydd yn gymwys i'r mynegiant o ddiddordeb 2017.
- Bydd gofyn ichi gyflwyno Ffurflen Cais Sengl (SAF) bob blwyddyn trwy RPW Ar-lein am oes y contract.
- Fesul Cyfeirnod Cwsmer (CRN), caniateir taliad organig ar hyd at 400 hectar o dir cymwys.
- Cofiwch ateb yn brydlon unrhyw gwestiynau y gallai Llywodraeth Cymru ofyn ichi am eich cais am Glastir Organig. Gallai peidio â gwneud hynny neu oedi cyn gwneud olygu gwrthod cynnig contract Glastir Organig.
- Mae Glastir Organig wedi cael ei gymeradwyo gan y Comisiwn Ewropeaidd. Bydd unrhyw newidiadau i'r canllawiau hyn ac ymrwymadau Glastir yn cael eu cyhoeddi yn Gwlad (www.gwladarlein.org) a lle gwelwn fod angen, byddwn yn cysylltu â ffermwyr yn uniongyrchol.
- Grantiau Bach Glastir – Bydd tir sydd yn gynwysedig mewn contract Glastir Organig yn cael bod yn gynwysedig yn Grantiau Bach Glastir. Os yw'r tir yn dod yn anghymwys i Glastir Organig yn dilyn cwblhad Grantiau Bach Glastir, fe fydd angen adenill yr arian a dalwyd o dan Glastir Organig.
- Er mwyn cyflawni yr angen i dderbyn Gyfradd Talu 1, mae'n rhaid i chi sicrhau bod o leiaf 40% or cyfanswm Gyfradd Talu 1 sydd yn gymwys o dan contract gael ei gnydu gyda crop garddwriaethol bob blwyddyn.

Adran A - Cyflwyniad

Mae'r llyfryn hwn wedi'i ysgrifennu ar gyfer ffermwyr a chynhyrchwyr sydd am gyflwyno cais i ymuno â Glastir Organig. Nid oes gofyn i ymgeiswyr ymuno ag elfennau eraill Glastir na bod eisoes yn aelodau ohonyn nhw i gael ymgeisio am Glastir Organig.

Mae Glastir Organig yn helpu i gynnal ffermwyr a chynhyrchwyr organig sy'n rheoli tir mewn ffordd sy'n dod â manteision amgylcheddol. Contract 5 mlynedd lawn yw Glastir Organig a thelir amdano ar y cyd gan Lywodraeth Cymru a'r Undeb Ewropeaidd fel rhan o Raglen Datblygu Gwledig Cymru 2014-2020. Mae Glastir Organig yn agored i'r rheini sydd eisoes yn gynhyrchwyr organig a hefyd i'r rheini sydd am droi at gynhyrchu organig, cyn belled â'u bod i gyd yn bodloni'r amodau. Bydd Glastir Organig yn cyfrannu at wireddu prif amcanion Glastir, sef:

- Lleihau allyriadau Carbon a Nwyon Tŷ Gwydr.
- Addasu i hinsawdd sy'n newid a chryfhau gallu busnesau fferm a choedwigaeth i wrthsefyll ei effeithiau.
- Rheoli ein hadnoddau dŵr i wella ansawdd dŵr a lleihau'r perygl o lifogydd.
- Cyfrannu at wneud ffermydd, coedwigaeth a'r gymuned wledig ehangach yn fwy economaidd gynaliadwy.
- Diogelu'r dirwedd a'r amgylchedd hanesyddol tra'n gwella mynediad ato.
- Cyfrannu at wydroi'r dirwiad ym mioamrywiaeth cynhenid Cymru.

Mae cynllun Glastir Organig yn cael ei ariannu ar y cyd gan Lywodraeth Cymru a'r Comisiwn Ewropeaidd fel rhan o Cymunedau Gwledig Llywodraeth Cymru – Rhaglen Datblygu Gwledig ar gyfer 2014-2020.

Mae cynllun Glastir Organig yn cael ei lywodraethu gan Offeryn Statudol Cymru 3222 (w.327) sy'n berthnasol i'r Rhaglenni Datblygu Gwledig, Rheoliadau'r Cyngor (UE) Rhif.1305/2013, 1303/2013, ac (UE) Rhif 1306/2013, Rheoliad y Comisiwn (UE) Rhif 808/2014 ac(UE) Rhif 809/2014 a Rheoliad Dirprwyedig y Comisiwn (UE) 640/2014 ac 807/2014 (i gyd fel y'u diwygir o bryd i'w gilydd). Mae copïau o'r Rheoliadau hyn ar wefan Llywodraeth Cymru yn www.llyw.cymru neu gallwch ofyn am gopïau gan Ganolfan Gyswilt i Gwsmeriaid Taliadau Gwledig Cymru.

Safonau organig

Rhaid i unrhyw fwyd sy'n cael ei werthu fel bwyd 'organig' gael ei gynhyrchu yn unol â chyfreithiau Ewrop ar gynhyrchu organig.

Yn ôl y cyfreithiau hyn, mae gofyn i dyfwyr a phroseswyr fod wedi'u cofrestru gyda Chorff Rheoli Organig (OCB) a rhaid i hwnnw fod wedi'i gofrestru a'i awdurdodi gan yr awdurdod yn y DU sydd â chymhwysedd i reoli gweithredwyr organig.

Bydd ffermwyr sy'n cofrestru ag OCB sydd â safonau llymach na rhai cyfraith Ewrop yn gorfod bodloni gofynion penodol yr OCB hwnnw er mwyn cael cofrestru ag ef.

Adran B – Pwy sy'n gymwys

I fod yn gymwys am Glastir Organig:

- Rhaid ichi fod yn gwsmer cofrestredig gyda Llywodraeth Cymru ac wedi cael Cyfeirif Cwsmer (CRN)
- Rhaid i'ch tir fod wedi'i gofrestru gyda System Adnabod Parseli Tir Llywodraeth Cymru (LPIS)
- Byddwch yn Ffermwr Actif ar dir amaethyddol. Mae hynny'n golygu cymryd y prawf Ffermwr Actif bob blwyddyn dros oes y contract a'i basio
- Dim ond chi fydd yn hawlio Cymorth Ewropeaidd (e.e. y Taliad Sylfaenol (BPS) a Glastir) ar y tir
- Gofalwch fod eich tir sydd o dan y contract Glastir Organig wedi'i ardystio'n ddi-dor gyda Chorff Rheoli Organig (OCB) am oes y contract, gan ddechrau ar 1 Ionawr 2017
- Rhaid bod gennych o leiaf 3 hectar o dir cymwys

Ffermwr actif

Ni chewch contract Glastir Organig oni bai'ch bod yn pasio'r prawf Ffermwr Actif bob blwyddyn. Bydd y prawf yn cael ei gynnwys fel rhan or Furflen Gais Sengl (SAF) blynyddol. Gweler Atodiad 2am fanylion y prawf Ffermwr Actif.

Adran C - Pa dir sy'n gymwys

- Byddwch yn gwsmer cofrestredig gyda Llywodraeth Cymru a bydd gennych Gyfeirnod Cwsmer (CRN)
- Byddwch wedi cofrestru'ch tir ar System Adnabod Parseli Tir Llywodraeth Cymru
- Bydd gennych o leiaf 3 hectar o dir cymwys. Gaiff hyn ei ddiffinio fel porfa barhaol, cnydau barhaol neu tir aradedig.
- Yr holl gaeau sydd wedi'u hardystio gydag OCB cymeradwy ar gyfer 5 mlynedd lawn y contract Glastir Organig
- Yr holl dir y bydd gennych reolaeth lwyr arno sy'n dod o dan eich contract Glastir Organig am oes eich contract Glastir Organig
- Mae Rheolaeth Lwyr fel arfer yn golygu:
 - Bydd y tir yn eiddo ichi ac o dan eich meddiant
 - Tenantiaeth o dan Ddeddf Tenantiaethau Amaethyddol 1995, Tenantiaeth Busnes Fferm neu Ddeddf Daliadau Amaethyddol 1986
 - Trwydded bori
- Dim ond caeau cyfan sy'n gymwys ar gyfer contract Glastir Organig
- Bydd pob cae yng Nghymru
- Bydd unrhyw Dir Comin yn dir pori a dim ond chi fydd â hawliau cofrestredig i bori da byw arno

Pa dir sydd ddim yn gymwys ar gyfer Glastir Organig

- Tir nad yw'n cael ei ddefnyddio at ddiben cynhyrchu amaethyddol
- Tir Comin â mwy nag un porwr
- Tir sydd ddim yn cael ei gofnodi fel porfa barhaol
- Caeau sy'n cael eu cyd-bori
- Rhannau o gaeau
- Caeau sy'n cael eu defnyddio gan ymgeisydd arall i hawlio taliadau eraill y Polisi Amaethyddol Cyffredin (PAC)
- Tir na fydd wedi'i ardystio gydag OCB ar 1 Ionawr 2017
- Nid yw caeau y cynhelir cnydau Opsiynau 30 a 32 contract Glastir Sylfaenol arnynt yn gymwys tuag at eich cnwd garddwriaethol o dan Cyfradd Dalu 1

Glastir Organig. Ble gaiff hyn ei ddarganfod fe ellir y taliad dyledus o dab opsiwn 30 a 32 gael ei leihau.

- Tir y mae ffermwr arall wedi hawlio cymorth trwy gynllun PAC gwahanol arno.

Gofynion ardystio

- Bydd gennych Dystysgrif a Rhestr Tir dilys a chyfoes gan OCB sydd wedi'i gymeradwyo a'i awdurdodi am oes y contract. Ni fydd Llywodraeth Cymru'n gallu'ch talu heb weld tystysgrif OCB ddilys sy'n gyfoes adeg gwneud y taliad.
- Rhaid ichi sicrhau bod tystysgrif a Rhestr Tir dilys a chyfoes yr OCB yn defnyddio'r un Cyfeirnod Map a Rhifau Caeau ag sydd wedi'u cofrestru gyda System Adnabod Parseli Tir (LPIS) Llywodraeth Cymru ac sydd wedi'u cofnodi ar eich Ffurflen Cais Sengl (SAF).
- Rhaid ichi sicrhau bod unrhyw waith e.e. chwistrellu rhedyn o dan gynllun amaeth-amgylcheddol arall, fel elfennau eraill Glastir, yn gyson â rheolau'ch Corff Rheoli Organig. O beidio â gwneud, gallai'r gwaith beryglu'ch ardystiad organig a'ch taliadau Glastir Organig.
- Gellid dod â chontractau Glastir Organig i ben ar dir lle bydd y Corff Rheoli Organig neu Taliadau Gwledig Cymru (RPW) wedi eich hysbysu o dorriad rheol neu amod ar y tir yna. Efallai y bydd gofyn ichi ad-dalu'r cyfan, ynghyd â llog, fydd wedi'i dalu ichi a'ch cosbi am orddatgan, gan ddibynnu ar y rheswm am y tramgwydd sy'n arwain at ddod â'ch contract i ben.
- Mae'n bwysig nodi, os bydd eich tir sydd o dan gontract yn colli'i ardystiad organig yn ystod oes y contract, y gallech gael eich cosbi neu gellid gofyn ichi ad-dalu'r arian.

Adran D - Rheolau Glastir Organig

- Bydd eich taliadau blynyddol yn seiliedig ar arwynebedd y categori defnydd tir fydd wedi'i gymeradwyo ar eich cais ac a fydd wedi'i ddilysu yn unol â thystysgrif wreiddiol eich OCB.
- Rhaid ichi gyflwyno tystysgrif a rhestr tir dilys gan eich OCB i Lywodraeth Cymru erbyn 30 Ebrill neu os wedi hynny, o fewn 30 diwrnod cyn y daw'r dystysgrif ddiwethaf i ben.
- Rhaid cydymffurfio â'r safonau Trawsgydymffurfio. Gweler atodiad 3 am fanylion llawn.
- Cyflwyno Ffurflen Gais Sengl bob blwyddyn i hawlio'ch Taliad Rheoli blynyddol. Rhaid ichi hawlio taliadau erbyn 15 Mai fan hwyraf bob blwyddyn rhag cael eich cosbi am hawlio'n hwyr.
- Datgan yr holl dir amaethyddol ac anamaethyddol sydd ar eich daliad ar y Ffurflen Cais Sengl
- Peidiwch â gwneud datganiad ffug neu gamarweiniol na rhoi gwybodaeth ffug neu gamarweiniol, boed yn fwriadol neu drwy esgeulustod.
- Rhaid ichi ganiatáu i'ch holl dir gael ei archwilio ar adeg y rhoddir gwybod ichi amdano gan Lywodraeth Cymru neu berson awdurdodedig arall a rhoi i Lywodraeth Cymru neu'r person awdurdodedig unrhyw ddogfen neu gofnod y gallai ofyn amdani/amdano.
- Rhaid ichi roi gwybod i Lywodraeth Cymru o fewn 30 diwrnod ar ôl y digwyddiad am unrhyw newid allai effeithio ar eich contract neu dir sy'n rhan o gontract Glastir Organig.

Cynllun Busnes Organig

Rhaid ichi gyflwyno Cynllun Busnes Organig i Lywodraeth Cymru ddim hwyrach na 31 Rhagfyr 2016. Ni fydd angen i dalwyr contract Glastir Organig sydd wedi cyflwyno Cynllun Busnes Organig wedi ei gwblhau eisoes gyflawni cynllun newydd os oes tir newydd yn dod i mewn i'r contract.

Mae Llywodraeth Cymru wedi arlwygo templed Cynllun Busnes Glastir Organig a canllawiau ar dudalen we Glastir Organig Llywodraeth Cymru

Tir mewn cynlluniau eraill

Mae manylion y berthynas rhwng Glastir Organig a thir sydd o dan gynlluniau eraill wedi'u nodi isod.

Ffermio Organig a'r berthynas â Chynllun Taliad Sylfaenol (BPS) newydd y Polisi Amaethyddol Cyffredin a Gwyrddu

Bydd unrhyw dir organig ardystiedig, gan gynnwys tir sy'n cael ei 'droi'n organig' yn gymwys yn awtomatig am y taliad gwyrddu heb orfod bodloni'r gofynion gwyrddu, cyn belled â'i fod wedi'i ardystio gyda chorff achrededig. Mae hyn yn golygu nad oes gofyn cynnal Ardal â Ffocws Ecolegol (AFfE) na thyfu amrywiaeth o gnydau arno. Bydd unrhyw dir confensiynol sydd gennych yn gorfod ateb y gofynion gwyrddu hyn.

Glastir Organig ac elfennau eraill Glastir

Mae tir sy'n rhan o gynllun Glastir Organig yn gydnaws ag elfennau eraill Glastir, heblaw Tir Comin Glastir a Choetir Glastir. Fodd bynnag, nid yw caeau y cynhelir Opsiynau 30 a 32 Glastir Sylfaenol neu Uwch arnynt yn gymwys am Gyfradd Dalu 1 Glastir Organig.

Os ydych yn ystyried troi tir sydd yn Glastir Organig yn goetir heb stoc (naill ai'n annibynnol neu gyda chymorth arall), yna mae'n bwysig cofio y daw cymorth Glastir Organig 2016 i ben ar y tir hwnnw ac y bydd gofyn ichi ad-dalu unrhyw daliadau fydd

wedi'u gwneud ichi.

Mae Glastir Creu Coetir a rhai opsiynau penodol o fewn Glastir Sylfaenol, Glastir Uwch a Glastir Rheoli Coetir yn gofyn ichi gadw stoc allan o goetir.

Grantiau Bach Glastir

Bydd tir sydd yn gynwysedig mewn contract Glastir Organic yn cael bod yn gynwysedig yn Grantiau Bach Glastir. Os yw'r tir yn dod yn anghymwys, h.y. nid yw'n cael ei ddynodi fel porfa barhaol, cnydau barhaol neu tir aradedig rhagor yn dilyn cwblhad o brosiect Grantiau Bach Glastir, fe fydd cymorth Glastir Organig yn cael ei ddiddymu ar y tir hyn ac efallai bydd unrhyw taliadau blaenorol yn cael ei adennill.

Adran E – Ceisio am Glastir Organig

Dylech wneud cais am gontract Glastir Organig 2016 trwy RPW Ar-lein. Bydd y cyfnod ymgeisio'n dechrau ar 17 Hydref 2016 ac yn cau ganol nos 4 Dachwedd 2015.

Os ydych eisoes wedi cofrestru gydag RPW Ar-lein, i weld ffurflen gais Glastir Organig ewch i adran Ceisiadau a Hawliadau eich cyfrif RPW Ar-lein. Os nad ydych wedi cofrestru eto a heb gael cod defnyddio, ffoniwch y Ganolfan Gyswllt i Gwsmeriaid ar 0300 062 5004 **cyn gynted ag y medrwch**. Y rhif ffôn yw 0300 062 5004 (ar agor 8.30 i 17.00 ddydd Llun i ddydd Iau a 8.30 i 16.30 ddydd Gwener).

Cewch gyfarwyddiadau gam wrth gam ar sut i lenwi'r cais ar wefan Llywodraeth Cymru ar www.llyw.cymru/rpwarlein.

Os bydd angen help ychwanegol arnoch i lenwi'r cais ar-lein neu os nad ydych yn gallu ymgeisio ar-lein, ffoniwch y Ganolfan Gyswllt i Gwsmeriaid, a fyd yn gallu cynnig help digidol ichi, **cyn gynted ag y medrwch**.

Pwysig: Os caiff contract Glastir Organig ei gynnig ichi, rhaid ichi gyflwyno tystysgrif a Rhestr Tir gwreiddiol eich Corff Rheoli Organig erbyn 30 Ebrill 2017. Byddwn yn gwrthod tystysgrifau a rhestrau tir fydd yn cyrraedd ar ôl y dyddiad hwnnw a byddwn yn tynnu'r cynnig o gontract yn ôl.

Y broses ddewis

Os na fydd gennym ddigon o gyllideb i allu cynnig contract i bob ymgeisydd, bydd Llywodraeth Cymru'n dilyn proses ddewis gystadleuol i benderfynu pa ymgeiswyr i gynnig contract iddynt.

Mae nifer o fapiau wedi'u cynhyrchu sy'n dangos ble mae amcanion Glastir Organig yn fwyaf perthnasol. Byddwn yn asesu gallu'ch fferm chi i wireddu amcanion Glastir sydd wedi'u nodi ar y mapiau a byddwn yn rhoi sgôr iddi fydd yn adlewyrchu ei gallu i wireddu'r amcanion hynny.

Caiff yr holl ffermydd eu rhoi yn nhrefn eu sgôr a chaiff y ffermydd sydd â'r sgôr uchaf flaenoriaeth i gael contract.

Cewch fwy o fanylion y system sgorio yn:

<http://llyw.cymru/topics/environmentcountryside/farmingandcountryside/farming/schemes/glastir/glastir-organic/glastir-organic-selection-criteria/?skip=1&lang=cy>

Byddwn yn rhoi gwybod ichi a fydd eich cais yn llwyddiannus gan restru'r amcanion a ddefnyddiwyd i gyfrif sgôr eich fferm.

Cynnig contract Glastir Organig

Os bydd eich cais Glastir Organig yn llwyddiannus, caiff contract ei gynnig ichi drwy eich cyfrif RPW Ar-lein yn unig. Bydd angen i chi gadarnhau eich dymuniadau neu derbyn y cynnig o gontract o fewn 7 diwrnod o hysbysebiad y cynnig. Bydd unrhyw dderbyniad a dderbynnir ar ôl y dyddiad yma yn cael ei wrthod a gaiff y cynnig o gontract Glastir Organig ei dynnu'n ôl.

Er mwyn derbyn neu troi lawr y cynnig o gontract, bydd angen i chi mynedi 'Fy Nglastir i > Contractau' drwy tudalen cartref eich cyfrif RPW Ar-lein.

Os yn derbyn neu yn gwrthod y cynnig o gontract yma, bydd angen i chi arolygu'r contract, yn cynnwys yr amodau a thelerau cyn cadarnhau derbyn neu gwrthod y cynnig o gontract ar-lein.

*Yw nodi: Dim ond Cwsmer sydd yn berchen a'r cyfrif ar-lein a all dderbyn neu wrthod cynnig o gontract. Ni chaiff Asiant cario'r weithred yma allan

Os byddwch yn dewis gadael y contract cyn diwedd tymor llawn y contract (5 mlynedd), bydd gofyn ichi dalu'r holl arian a fydd wedi'i dalu ichi o dan gontract Glastir Organig, ynghyd â'r llog, yn ôl.

Os fydd newidiadau i Cymunedau Gwledig Llywodraeth Cymru – Rhaglen Datblygu Gwledig 2014-2020o ganlyniad i newid y rheoliadau, gallai contract Glastir Organig gael ei derfynu ddiwedd 2020. Mae disgwyl i holl gontractau a arwyddir o fewn 7 diwrnod o gael eu cynnig gael ei gwireddu am y 5 mlynedd cyflawn o'r contract yn

wyneb unrhyw ansicrwydd yn dilyn penderfyniad y DU i adael yr Undeb Ewropeaidd.
Ni fydd yn bosib i ail-gynnig unrhyw gontract sydd heb gael ei dderbyn o fewn 7
diwrnod.

Adran F – Taliadau

Taliadau sy'n seiliedig ar arwynebedd

Mae tair cyfradd dalu o dan Glastir Organig, bob un ohonynt yn seiliedig ar arwynebedd, i helpu ffermwyr i droi'n organig ac i helpu eu cynnal os ydynt eisoes yn organig. Gweler Tabl 1 isod. Caiff pob cae sy'n rhan o contract Glastir Organig ei gymeradwyo ar gyfer 5 mlynedd o daliadau gan ddibynnu ar ei statws, hynny yw, p'un a yw'n troi'n organig neu eisoes yn organig ar ddechrau'r cynllun ar 1 Ionawr 2016.

Tabl 1: Taliadau Arwynebedd Glastir Organig a'r Cyfraniad at Gostau Ardystio

	Troï'n Organig		Cynnal Organig	Costau Ardystio Blynyddol*
	Bl'dd 1 – 2	Bl'dd 3 - 5	Bl'dd 1 – 5	
Cyfradd Dalu 1	£600 / ha	£400 / ha	£400 / ha	£80 / ha
Cyfradd Dalu 2	£130 / ha	£65 / ha	£65 / ha	£10 / ha
Cyfradd Dalu 3	£15 / ha	£15 / ha	£15 / ha	£3 / ha

- Bydd cap o £500 y contract y flwyddyn ar gostau ardystio.

Yr arwynebedd o dan y contract y telir taliad Glastir Organig arno fydd arwynebedd y cae cyfan fel ag y mae wedi'i nodi ar System Adnabod Parseli Tir (LPIS) Llywodraeth Cymru, gan gymryd i ystyriaeth y darnau anghymwys canlynol o fewn y cae.

Darnau Anghymwys

Tir sydd ddim oddi fewn Amaethyddiaeth

- Grwpiau o Goetir Coniffer neu Llydain-ddail
- Coetir Coniffer neu Llydain-ddail ar wasgar
- Grwpiau neu safleuoedd o Rhedyn/Prysg/Gors/Eithin ar wasgar
- Adeiladau a Buarthau
- Arwynebau Caled
- Pyllau/Afonydd a nentydd
- Heolydd

- Grwpiau neu safleuoedd o Sgri/Cnycau (brigiadau) /Meini ar wasgar

Bydd gofyn i ymgeiswyr roi manylion unrhyw ddarnau anghymwys ar eu cais ar gyfer unrhyw gaeau newydd sy'n cael eu hychwanegu at y cynllun.

Faint o dir sy'n cael bod yn rhan o contract Glastir Organig:

- Rhaid i o leiaf 3ha o dir cymwys (cyfanswm cyfraddau talu 1, 2 a 3) ddod o dan y contract.
- Bydd cap o 400ha (Cyfanswm cyfraddau talu 1, 2 a 3) ar bob contract.
- Ni chaiff mwy nag 20ha o dir yn y contract fod yn dir cyfradd dalu 1.

Diffinio'r Cyfraddau Talu

Cyfradd Dalu 1

- Er mwyn gallu cael Cyfradd Dalu 1, rhaid bod gennych hyd at 20 hectar o dir o dan eich contract Glastir Organig sy'n cael ei ddefnyddio fel rhan o gylchdro ar gyfer cynhyrchu cnydau garddwriaeth.
- Rhaid ichi sicrhau bod o leiaf 40% o'ch holl dir sy'n gymwys am Gyfradd Dalu 1 yn tyfu cnwd garddwriaeth bob blwyddyn.
- Rhaid ichi sicrhau bod yr holl dir y telir Cyfradd Dalu 1 arno o dan gnwd garddwriaeth o leiaf unwaith yn ystod cyfnod 5 mlynedd y contract.
- Gwnewch yn siŵr fod ffrwythau meddal a pherllannau masnachol yn gymwys am Gyfradd Dalu 1 trwy ddarllen rhestr cnydau cymwys Llywodraeth Cymru bob blwyddyn. Caiff y codau cnydau eu diweddarau bob blwyddyn mewn pryd ichi lenwi'ch Ffurflen Cais Sengl (SAF).

Nid yw cnydau sefydledig lle cynhelir opsiynau 30 (Cnydau gwanwyn a chodlyisiau heb eu chwistrellu) a 32 (Plannu gwreiddgnydau heb eu chwistrellu ar dir wedi'i wella heb ddrilio) Glastir Sylfaenol neu Uwch arnynt yn gymwys i gael ei cyfri fel cnwd

garddwriaethol am Gyfradd Dalu 1 o dan Glastir Organig.

Cyfradd Dalu 2

- Bydd tir sydd o dan ffin yr ucheldir agored ac sydd gan fwyaf yn amaethyddol gynhyrchiol yn gymwys am Gyfradd Dalu 2.
- Caeau â llai na 50% o'r cae yn goetir pori, gorgors, gweundir arfordirol a llawr gwlad, morfa heli neu redyn/prysgwydd.

Cyfradd Dalu 3

Bydd cais Glastir Organig ar-lein yn nodi bod ucheldir heb ei amgáu a thir comin sy'n cael ei bori gan un porwr yn gymwys am Gyfradd Dalu 3.

- Ucheldir agored; sef tir sy'n uwch na'r tir amaethyddol sydd wedi'i amgáu. Mae'n agored ei natur ac nid yw wedi cael ei wella at ddiben amaethyddol.
- Tir Comin sy'n cael ei bori a chi yw'r unig borwr cofrestredig (Tir Comin ag Un Porwr).
- Caeau â 50% neu fwy o'r cae yn goetir pori, gorgors, gweundir arfordirol a llawr gwlad, morfa heli neu redyn/prysgwydd.

Mae'n bwysig iawn cofio y gallech gael eich cosbi'n ariannol os gwelir eich bod wedi rhoi tir yn y categori anghywir.

Mae'n bwysig iawn cofio hefyd os gwelir bod ymgeiswyr wedi creu amodau artiffisial i ddylanwadu ar eu cais neu'r taliadau neu sydd wedi rhoi darnau mawr o dir yn y categorïau anghywir, y gallai'r contract gael ei derfynu ac y byddai'n rhaid ichi ad-dalu'r holl daliadau a wnaed ynghyd â'r llog.

Pwy sy'n gymwys am gyfraddau talu 'troi'n organig'

I fedru cael 2 flynedd o daliadau 'troi'n organig', rhaid i gae sy'n rhan o gontract Glastir Organig fod wedi dechrau cael ei droi'n organig rhwng 2 Ionawr 2015 ac 1 Ionawr 2016 yn gynwysedig.

Os na chafodd cae ei roi o dan gontract Glastir Organig 2015 ond y dechreuwyd ei droi'n organig rhwng 2 Ionawr 2015 ac 1 Ionawr 2016 yn gynwysedig, byddai'n gymwys am daliad 'troi'n organig' am flwyddyn yn unig.

Pwy sy'n gymwys am gyfraddau talu 'cynnal organig'.

- Bydd parseli tir y dechreuwyd eu troi'n organig cyn 2 Ionawr 2015 yn gymwys am gyfradd dalu cynnal organig yn unig dros oes contract Glastir Organig.
- Tir y talwyd taliadau organig arno o fewn 3 blynedd cyn dechrau contract Glastir Organig ar 1 Ionawr 2017 yn gymwys. (Bydd tir o dan gontract Ffermio Organig neu gontract Cynllun Troi at Ffermio Organig yn 2014).

Costau ardystio Corff Rheoli Organig?

Caiff cyfraniad blynyddol ar gyfer costau ardystio ei wneud yn unol â Thabl 1 uchod am oes y contract. Bydd cap o £500 ar gyfer costau ardystio fesul contract y flwyddyn.

Beth sy'n rhaid imi ei wneud i gael fy nhalu?

Rhaid gwneud y canlynol:

- Byddwch wedi llofnodi contract Glastir Organig ac yn cadw at ofynion y cynllun gan gynnwys y safonau Trawsgydymffurfio
- Byddwch yn hawlio Glastir Organig ar eich Ffurflen Cais Sengl (SAF) bob blwyddyn. Rhaid i'r SAF ein cyrraedd erbyn 15 Mai fan hwyraf bob blwyddyn rhag ichi gael eich cosbi am hawlio'n hwyr

- Byddwch yn datgan yr holl dir amaethyddol ac anamaethyddol sydd ar eich daliad ar ffurflen y Cais Sengl
- Peidiwch â gwneud datganiad ffug neu gamarweiniol na rhoi gwybodaeth ffug neu gamarweiniol
- Peidiwch â chreu amodau ffug i gael y taliadau (er enghraifft, rhannu caeau er mwyn cael y gyfradd dalu uwch)
- Byddwch yn caniatáu i'ch holl dir gael ei archwilio unrhyw bryd ar ôl cael rhybudd gan Lywodraeth Cymru neu berson awdurdodedig arall a byddwch yn rhoi i Lywodraeth Cymru neu'r person awdurdodedig unrhyw ddogfen neu gofnod y gallai ofyn amdani/amdano
- Byddwch yn rhoi gwybod i Lywodraeth Cymru o fewn 30 diwrnod os bydd newidiadau sy'n effeithio ar eich contract neu dir sy'n rhan o'ch contract Glastir Organig
- Bydd Llywodraeth Cymru'n gwneud ei holl daliadau trwy drosglwyddiad banc (BACS). Os ydych eisoed yn derbyn cymorth ariannol, rydym yn eich talu trwy'r system hon, felly nid oes unrhyw beth arall ichi ei wneud. Telir taliadau Glastir mewn punnoedd.
- Os ydych yn gwsmer newydd i'r Adran, bydd gofyn ichi lenwi ffurflen BACS. Gofynnwch i'r Ganolfan Gyswllt i Gwsmeriaid am gopi trwy ffonio 0300 062 5004
- Os na fyddwch wedi hawlio ar gae sydd o dan contract ar eich Cais Sengl (SAF), caiff y cae ei dynnu o contract Glastir Organig ac ni chewch daliad amdano. Bydd gofyn ichi dalu taliadau a wnaed yn ôl a llog.
- Cwblhau a chyflwyno y Cynllun Busnes Glastir Organig erbyn 31 Rhagfyr 2017 (Ni fydd angen i'r sawl sydd a Contract Glastir Organig sydd wedi cyflwyno Cynllun Busnes Glastir Organig wedi ei gwblhau yn barod i ymgymryd a chynllun newydd am tir ychwanegol a ddaeth mewn i'r contract yn 2017.

Bydd taliadau'n ond yn dechrau cael eu talu ar ôl dilysu a chadarnhau'r uchod i gyd. Bydd taliadau gymwys yn cychwyn Ionawr 2018.

Adran G – Newid Contract

Trosglwyddo neu Werthu Tir sydd o dan Contract

Wrth arwyddo'ch Contract Glastir, rydych yn gwneud ymrwymiad am 5 mlynedd. Os byddwch yn penderfynu gwerthu neu drosglwyddo'ch tir neu ran ohono yn ystod 5 mlynedd eich contract, efallai y bydd gofyn i chi ad-dalu'r arian rydych eisoes wedi'i gael neu gael eich cosbi'n ariannol.

Os ydych am drosglwyddo contract Glastir i feddiannydd newydd, rhaid cael cymeradwyaeth Llywodraeth Cymru. Os ydy'r meddiannydd newydd yn dewis cymryd eich ymrwymiad chi oddi arnoch a bod y tir yn dal i fodloni'r amodau gofynnol ar gyfer ymuno â Glastir Organig, rhaid i'r meddiannydd newydd barhau â'r ymrwymiad ar y tir hwnnw am weddill cyfnod y contract. Dylid gofalu fod y meddiannydd newydd yn gwybod am yr ymrwymiad Glastir cyn cytuno i drosglwyddo'r tir dan sylw.

Ar ôl trosglwyddo neu werthu rhan o'r tir, rhaid i unrhyw dir rydych wedi'i gadw ac sy'n dal yn rhan o'ch contract Glastir gwreiddiol barhau i fodloni amodau gofynnol Glastir. Os nad yw, bydd gofyn i chi ad-dalu pob taliad a wnaed ar y tir hwnnw, ynghyd â'r llog.

Os ydych yn trosglwyddo neu'n gwerthu unrhyw dir sy'n rhan o'ch Contract Glastir, yna rhaid rhoi gwybod i Lywodraeth Cymru trwy lythyr o fewn 30 diwrnod ar ôl i hynny ddigwydd. O beidio â rhoi gwybod i Lywodraeth Cymru, gallech gael eich cosbi.

Os byddwch yn trosglwyddo neu'n gwerthu tir sydd o dan contract a bod Llywodraeth Cymru'n credu bod amcanion amgylcheddol Glastir wedi'u taseilio o'r herwydd neu os yw'r cyfanswm o'r arwynebedd o dir sydd yn gymwys yn gostwng i lai na 3hectar, gallai'r contract gael ei derfynu ac efallai y bydd yn rhaid i chi ad-dalu pob taliad ynghyd â'r llog.

Beth sy'n digwydd os bydda i'n rhoi'r gorau i ffermio'n organig cyn diwedd fy nghontract?

Os rhowch chi'r gorau i ffermio'ch tir yn organig cyn diwedd eich contract, bydd Llywodraeth Cymru'n gofyn ichi ad-dalu pob taliad Glastir Organig a wnaed ichi ar y tir dan sylw, ynghyd â llog.

- Gofynnir ichi hefyd ad-dalu taliadau a llog ar dir o dan gontract na fydd yn para wedi'i gofrestru gydag OCB am oes y contract.
- Ni chewch daliad os ydych yn ei hawlio heb dystysgrif a Rhestr Tir dilys gan Gorff Rheoli Organig (OCB).

Cael Rhagor o Dir yn ystod Cyfnod y Contract

Os ydych yn cael tir ar ôl dyddiad dechrau'ch contract, bydd gofyn ichi wneud cais i'r tir hwnnw gael bod yn rhan o'ch contract Glastir Organig.

Newid y Tir a Gofyn i'n Hysbysu am Newidiadau i'r Tir

Rhaid i chi roi gwybod i Lywodraeth Cymru am newidiadau i'ch caeau o fewn 30 diwrnod ar ôl i'r newid ddigwydd.

Gallai'r newidiadau hynny gynnwys:

- Cofrestru caeau nad ydynt wedi'u cofrestru gydag IACS o'r blaen (h.y. caeau heb eu cofnodi ar y Ffurflen Gais Sengl (SAF))
- Rhannu caeau yn barhaol
- Uno caeau yn barhaol
- Newid ffiniau caeau
- Newid nodweddion parhaol caeau .

Hefyd, rhaid rhoi gwybod i Lywodraeth Cymru o fewn y terfyn o 30 diwrnod ar ôl iddo ddigwydd os ydy meddianwyr y tir yn newid gan gynnwys perchennog newydd neu denantiaeth newydd.

Rhaid rhoi gwybod i Lywodraeth Cymru am y newidiadau hyn ar y *Ffurflen Gais Cynnal Caeau (FM)*. Holwch eich Canolfan Gyswilt i Gwsmeriaid am gopi ac anfonwch hi ati cyn pen 30 diwrnod ar ôl i'r newid ddigwydd.

Newid i'r Ddeddfwriaeth (gan gynnwys Dehongliadau Newydd)

Mae Rheoliadau Ewrop yn cael eu newid o dro i dro. Bydd yn rhaid i chi gydymffurfio â'r newidiadau hynny ar ôl i Lywodraeth Cymru eich hysbysu amdany'n nhw.

Newid Rheolau'r Cynllun

Efallai weithiau, bydd angen newid eich contract os bydd newidiadau'n cael eu gwneud i reolau'r cynllun. Er enghraifft, efallai y bydd angen diweddarau'r amodau rheoli yn sgil ymchwil wyddonol newydd, newid rheolau'r cynllun yn sgil newidiadau i Cymunedau Gwledig Llywodraeth Cymru – Rhaglen Datblygu Gwledig 2014-2020neu bennu cyfraddau talu newydd. Byddwn yn cyhoeddi'r newidiadau yn Gwlad ar wefan Llywodraeth Cymru (www.cymru.gov.uk) a lle bo gofyn, yn ysgrifennu atoch chi.

Adran H: Rheolaeth Lwyr

Un o amodau'r cynllun yw bod gennych reolaeth lwyr ar y tir am 5 mlynedd lawn y contract er mwyn ichi allu cyflawni holl ymrwymiadau'r cynllun.

Os penderfynir nad oes gennych y rheolaeth lwyr ofynnol, caiff y tir ei dynnu o'r contract a bydd yn rhaid i chi ad-dalu unrhyw arian sydd wedi'i dalu i chi mewn cysylltiad â'r tir hwnnw, ac o bosibl cewch gosb ariannol.

Mae Rheolaeth Lwyr fel arfer yn golygu:

- Bydd y tir yn eiddo ichi ac o dan eich meddiant
- Tenant â chytundeb tenantiaeth o dan Ddeddf Tenantiaethau Amaethyddol 1995, Tenantiaeth Busnes Fferm neu Ddeddf Daliadau Amaethyddol 1986
- Trwydded bori

O dan rai amgylchiadau, ystyrir mai'r landlord sydd â'r rheolaeth lwyr os ceir amodau addas yn y denantiaeth i sicrhau bod ymrwymiadau contract Glastir yn cael eu cyflawni.

Eich cyfrifoldeb chi yw gofalu'ch bod yn gallu cyflawni'ch ymrwymiadau o dan y contract am y cyfnod 5 mlynedd lawn. Os na allwch wneud, mae'n debygol y bydd yn rhaid i chi ad-dalu pob taliad fydd wedi'i wneud i chi.

Os ydych am gynnwys tir sydd â Thenantiaeth Amaethyddol Lawn (o dan Ddeddf Daliadau Amaethyddol 1986) neu Denantiaeth Busnes Fferm (o dan Ddeddf Tenantiaethau Amaethyddol 1995), eich cyfrifoldeb chi yw sicrhau nad yw'ch cytundeb tenantiaeth yn eich rhwystro rhag cyflawni pob agwedd ar eich contract Glastir.

Cynhwyswch yn unig dir rydych yn berchen arno a thir rydych yn ei rentu allan os oes gennych reolaeth lwyr arno (h.y. bod cymalau addas yn eich cytundeb tenantiaeth). Os nad oes gennych reolaeth lwyr, dylech gynnwys y caeau hynny yn eich cais.

Perchen-Ddeiliad

Os mai chi yw perchen-ddeiliad y tir, bydd y tir yn debygol o fod o dan eich rheolaeth lwyr chi.

Os oes rhywun yn pori'ch tir o dan drwydded bori, darllenwch y paragraffau o dan Drwyddedau Pori.

Tenantiaeth o dan Ddeddf Tenantiaethau Amaethyddol 1995 neu Ddeddf Daliadau Amaethyddol 1986

Os ydych yn denant â Thenantiaeth Busnes Fferm (FBT) o dan Ddeddf Tenantiaethau Amaethyddol 1995 neu denantiaeth o dan Ddeddf Daliadau Amaethyddol (AHA) 1986, mae'n debygol y bydd gennych y rheolaeth ar y tir sydd ei angen arnoch i allu cyflawni holl ymrwymadau'r contract.

Bydd ambell gyfundeb yn gwahardd y tenant rhag ymuno â chynlluniau amaeth-amgylcheddol neu efallai'n ei gwneud yn anodd neu'n anymarferol iddo ymuno â Glastir. Mae'n bwysig eich bod yn gofalu na fydd ymuno â Glastir yn torri amodau'ch tenantiaeth.

O dan rai amgylchiadau, ystyrir mai'r landlord sydd â'r rheolaeth lwyr os ceir amodau addas yn y denantiaeth i sicrhau bod ymrwymadau contract Glastir yn cael eu cyflawni. O dan yr amgylchiadau hynny, ni fydd y tenant yn gymwys am Glastir.

Os oes gennych denantiaeth fydd yn para dros gyfnod 5 mlynedd eich contract Glastir ond bod eich landlord yn penderfynu cymryd y tir oddi arnoch cyn diwedd eich contract Glastir, bydd yn rhaid i chi ad-dalu'r arian sydd wedi'i dalu i chi oni bai bod eich landlord neu'r tenant newydd yn cytuno i barhau ag ymrwymadau'r contract. Mae'n bwysig felly mai dim ond tir y gallwch gadarnhau fydd o dan eich rheolaeth lwyr chi ddylai ddod o dan y cynllun.

Ystyriaethau i'r Landlord a'r Tenant

Os bydd tenant am ymuno â contract Glastir ond bod llai na 5 mlynedd o'r denantiaeth ar ôl, dylai ystyried naill ai Gofyn am estyniad i'r denantiaeth er mwyn iddi gwmpasu cyfnod 5 mlynedd lawn contract Glastir

Os na fydd y landlord am gynnig tenantiaeth hirach i gwmpasu cyfnod 5 mlynedd lawn y contract Glastir, bydd y tir hwn yn anghymwys a rhaid peidio â'i gynnwys yn eich contract.

'Hawliau' Eraill ar Dir

Dylech drafod eich cais arfaethedig gydag unrhyw bartion eraill sydd â hawliau cynnal chwaraeon neu hawliau eraill ar y tir os oes posibilrwydd y gallai'r hawliau hynny effeithio ar ymrwymadau'r contract. Bryd hynny, eich cyfrifoldeb chi yw sicrhau bod gennych reolaeth lwyr ar y tir a'ch bod yn gallu cyflawni holl ymrwymadau'r contract.

Trwyddedau Pori

Trwyddedwr (y sawl sy'n rhoi'r drwydded bori)

Os mai chi yw'r trwyddedwr, mae'n debygol bod gennych ddigon o reolaeth ar y tir i chi allu ei gynnwys yn eich contract Glastir. Pan ddaw'r tir hwnnw o dan eich contract, chi fydd yn gyfrifol am ofalu nad yw'r trwyddedai (y porwr) yn torri'ch ymrwymadau o dan y contract gan mai o dan eich rheolaeth lwyr chi y mae'r tir.

Trwyddedai (y porwr)

Os oes gennych hawl i bori tir trwy drwydded bori, ni chewch roi'r tir hwnnw yn eich contract Glastir chi gan nad oes gennych y rheolaeth angenrheidiol ar y tir.

Mwy o Wybodaeth

Mae'r esboniadau yn yr adran hon ond yn rhoi darlun cyffredinol o'r pwnc rheolaeth, a hynny dim ond o safbwynt Glastir. Nid yw'n ystyried agweddau eraill a allai effeithio ar benderfyniadau unigolion. Os oes gennych bryderon neu gwestiynau am eich sefyllfa bersonol chi a'ch rheolaeth chi ar y tir, dylech ymofyn am gyngor proffesiynol annibynnol. Cewch fwy o wybodaeth am feddiannu tir yn y llyfryn *Meddiannaeth Tir Glastir a Threfniadau Pori* a gynhyrchwyd gan y Grŵp Meddiannaeth Tir o dan nawdd Llywodraeth Cymru. Mae copi ar gael ar wefan Llywodraeth Cymru ar www.llyw.cymru.

Adran I – Archwiliadau a Chofnodion

Mae Llywodraeth Cymru'n gorfod gwneud yn siŵr bod ffermwyr yn cadw at reolau'r cynllun Glastir, gan gynnwys y safonau Trawsgydymffurfio. Bydd yn gwneud hynny trwy archwiliadau fferm a defnyddio'r Systemau Lleoli Global a lluniau o'r awyr a chan loeren.

Archwiliadau Fferm

Efallai y bydd angen i swyddogion archwilio gyfrif a chadarnhau nifer yr anifeiliaid ar eich fferm a chadarnhau manylion y tir a chywirdeb dogfennau a chofnodion. Pan fydd angen archwilio anifeiliaid, efallai bydd yn rhaid archwilio'r fuches neu'r ddiadell gyfan. Bydd disgwyl i chi grynhoi'r anifeiliaid i le cyfleus a gwneud yn siŵr bod llafur a chyfleusterau digonol ar gael i'w trin.

Gellir cynnal archwiliadau unrhyw adeg o'r flwyddyn ac archwilir yr holl ymrwymadau y bydd modd eu harchwilio adeg yr ymweliad. Bydd Llywodraeth Cymru a'r corff gorfodi'n gwneud eu gorau glas i aflonyddu cyn lleied â phosib arnoch ond mae rhai archwiliadau'n gorfod cael eu cynnal heb rybudd. Gall archwiliadau gael eu cynnal fwy nag unwaith mewn blwyddyn.

Os byddwch yn gwrthod caniatáu archwiliad neu'n rhwystro'r archwilydd neu'n peidio â rhoi cymorth rhesymol iddo, fe allech golli'ch taliad a chael eich erlyn.

Cadw Cofnodion

Rhaid i chi gadw'r holl gofnodion a'r wybodaeth sydd eu hangen arnoch i gadarnhau eich bod wedi rhoi gwybodaeth gyflawn a chywir i ni a'ch bod wedi cadw at eich ymrwymadau.

Bydd gofyn ichi roi gwybodaeth i Lywodraeth Cymru am eich ymrwymiad Glastir Organig a hynny o fewn y cyfnod a bennir gan Lywodraeth Cymru.

Bydd gofyn ichi ddarparu i Lywodraeth Cymru, ei phersonau â chaniatâd a'i hasiantwyr, gofnodion, cyfrifon, derbynebaw a gwybodaeth arall gan gynnwys cyswllt â data cyfrifiadur sy'n ymwneud â'ch ymrwymadau Glastir Organig, rhoi'r hawl i Lywodraeth Cymru gymryd dogfennau neu gofnod neu i wneud copïau neu godi darnau ohonyn nhw.

ADRAN J - Cosbau

Bydd ffermwyr yn cael eu cosbi am orddatgan neu danddatgan tir, am dorri rheolau'r cynllun ac am beidio â bodloni'r safonau trawsgydymffurfio.

Tanddatgan

Os na fyddwch yn datgan holl dir amaethyddol eich daliad ar y Ffurflen Cais Sengl (yr holl dir rydych yn berchen arno a'r tir sydd gennych ar rent ac nid dim ond y tir sy'n dod o dan Glastir e.e. coetir/coedwigaeth, traciau, buarthau, arwynebau caled ac ati), gallai'ch taliadau Cynllun Datblygu Gwledig a Taliadau Uniongyrchol, sydd yn cynnwys y Cynllun Taliad Sengl gael eu lleihau.

Gorddatgan

Os gwelir bod arwynebedd sydd wedi'i ddatgan ar gyfer Glastir ar eich Ffurflen Cais Sengl (SAF) yn fwy na'r hyn sydd wedi'i weld mewn archwiliad, cewch eich cosbi am orddatgan. Cyfrifir y gosb gan ddefnyddio'r arwynebedd a gafodd ei ddatgan ar y SAF sy'n derbyn yr un gyfradd dalu (y cyfeirir atynt fel grwpiau cnydau).

Mae eglurhad manwl ar ymroi cosbau orddatgan, sydd yn cynnwys enghreifftiau yw gael yn Adran I4 (Anghysonderau o ran y tir sydd wedi'i ddatgan ar gyfer BPS a chynlluniau Cymunedau Gwledig Llywodraeth Cymru – Rhaglen Datblygu Gwledig Cymru 2014 – 2020) yn y cyswllly canlynol:

<http://gov.wales/topics/environmentcountryside/farmingandcountryside/farming/schemes/single-application-form-saf/single-application-rules-update-2016/?skip=1&lang=cy>

Torri'r Contract

Cynhelir archwiliadau gweinyddol ac ar y fferm i weld a ydych yn torri contract Glastir ac os gwelir eich bod, cewch wybod trwy lythyr. Lle gwelir eich bod wedi torri'r contract, byddwn yn lleihau a/neu'n atal eich taliadau gan ddibynnu ar ba mor

ddifrifol, mawr, parhaol ac ailadroddus oedd y tramgwydd gan ei gymhwyso i daliadau'r blynyddoedd blaenorol.

Os bydd Llywodraeth Cymru'n credu bod y tramgwydd mor ddifrifol nad oes modd ei gywiro, gallai derfynu'ch Contract. Mewn sefyllfaoedd difrifol iawn, gallai olygu hefyd eich gwahardd rhag ymuno â chynllun Amaeth-amgylcheddol arall am hyd at ddwy flynedd.

Mae Llywodraeth Cymru'n asesu tramgwyddau yn ôl safonau dilysadwy sy'n cyfateb i'r amodau ar gyfer ymuno â'r cynllun. Mae matrices wedi'i lunio i benderfynu ar lefel y gosb i'w rhoi. Mae'r matrices cosbi a'r safonau dilysadwy i'w gweld ar wefan Llywodraeth Cymru (www.cymru.gov.uk).

Torri'r safonau Trawsgydymffurfio

Eich cyfrifoldeb chi yw bodloni'r holl safonau Trawsgydymffurfio am y flwyddyn galendr lawn ar hyd oes eich Contract. Os na fyddwch yn bodloni'r Gofynion Rheoli Statudol neu'r safonau Cadw Tir mewn Cyflwr Amaethyddol ac Amgylcheddol Da, boed yn fwriadol neu drwy esgeulustod, gallech golli'ch taliad Glastir am flwyddyn neu fwy. Wrth benderfynu o faint y caiff eich taliad ei leihau, byddwn yn ystyried pa mor fawr, difrifol, parhaol ac ailadroddus y bu'r achos o anghydymffurfio.

Ad-dalu Taliadau

Gallai Llywodraeth Cymru ddefnyddio'i bwerau i'ch cael i ad-dalu taliadau os na fyddwch wedi cwblhau prosiect a gafodd grant ac os nad yw'r cais wedi cydymffurfio ag amodau a thelerau Glastir Organig.

Mae rheidrwydd ar Lywodraeth Cymru i sicrhau'ch bod yn cadw at reolau Glastir Organig. Caiff archwiliadau eu cynnal i gadarnhau bod yr wybodaeth rydych wedi'i rhoi inni wrth hawlio taliadau ac mewn dogfennau ategol yn gywir. Edrychir hefyd bod yr holl ymrwymadau wedi'u cyflawni, er enghraifft bod gwaith wedi'i wneud yn unol â'r hawliad a gymeradwywyd.

Adran K - Y Drefn Apelio

Mae'r broses apelio yng Nghymru yn cynnig trefn apelio annibynnol i chi os ydych yn teimlo nad yw Llywodraeth Cymru wedi dod i benderfyniad cywir yn ôl rheolau Glastir.

Mae dau gam i'r broses apelio ffurfiol:

- Cam 1: pennaeth y Swyddfa Ranbarthol leol i adolygu'r achos;
- Cam 2: Panel Apelio Annibynnol i adolygu'r achos (os bydd y ffermwr yn anhapus â'r penderfyniad yng Ngham 1). Bydd y Panel Annibynnol yn gwneud argymhelliad i'r Dirprwy Weinidog dros Amaethyddiaeth, Bwyd, Pysgodfeydd a Rhaglenni Ewropeaidd a fydd wedyn yn penderfynu'n derfynol ar y mater.

Daw'r broses apelio i ben pan gaiff penderfyniad y Gweinidog ei gyhoeddi. Nid oes tâl am gam cyntaf y broses ond codir tâl ar gyfer yr ail gam - £50 am wrandawriad ysgrifenedig a £100 am wrandawriad llafar. Bydd hwn yn cael ei dalu'n ôl i'r apeliwr os bydd ail gam y broses yn llwyddiannus neu'n rhannol llwyddiannus.

Rhaid i chi apelio i'ch Swyddfa Ranbarthol leol cyn pen 60 diwrnod ar ôl derbyn penderfyniad a allai effeithio ar eich taliad.

Cewch fwy o fanylion y broses apelio gan eich Swyddfa Ranbarthol.

Y Drefn Gwyno

Byddwn yn delio â chwynion o dan God Ymarfer Llywodraeth Cymru ar Gwynion. Cewch fwy o wybodaeth am sut i wneud cwyn gan eich Swyddfa Ranbarthol.

Mae croeso i chi ysgrifennu at unrhyw Aelod o'r Cynulliad am eich cwyn a hefyd at: Ombwdsmon Gwasanaethau Cyhoeddus Cymru, 1 Ffordd yr Hen Gae, Pen-coed, CF35 5LJ.

Adran L - Deddf Diogelu Data 1998: Hysbysiad Prosesu Teg

Mae'r hysbysiad hwn yn esbonio sut y bydd Llywodraeth Cymru'n defnyddio'r wybodaeth y byddwch yn ei rhoi ar ffurflen gais Glastir neu unrhyw ddogfen arall a ddefnyddir mewn cysylltiad â'ch cais i ymuno â chynlluniau Glastir, neu wybodaeth sy'n cael ei chreu neu ei chael o ganlyniad i geisiadau o'r fath. Bydd Llywodraeth Cymru ymhlith pethau eraill yn rhannu peth gwybodaeth ag asiantaethau a chyrrff cyhoeddus eraill ac yn darparu peth i'r cyhoedd ei gweld.

Bydd yr wybodaeth yn cael ei defnyddio gan fwyaf i brosesu ac asesu'ch cais am Glastir Organig. Fe gaiff Llywodraeth Cymru (neu ei hasiantwyr) ddefnyddio'r wybodaeth hefyd at bwrpasau eraill, gan gynnwys y rhai sy'n gysylltiedig â'i swyddogaethau a'i dyletswyddau o dan Bolisi Amaethyddol Cyffredin y Gymuned Ewropeaidd a'i hymrwymiaidau amgylcheddol statudol.

Rhesymau dros Rannu Data Personol

Defnyddir yr wybodaeth a geir gan ymgeiswyr at y dibenion canlynol:

- Bydd y partneriaid yn croeswrio gwybodaeth er mwyn sicrhau nad oes neb yn torri rheolau'r cynlluniau amaeth-amgylcheddol y maent yn eu gweinyddu
- Gweinyddu ceisiadau
- Cynhyrchu mapiau sy'n dangos y tir sy'n dod o dan y cytundebau
- Llunio adroddiadau o ddata o wahanol ffynonellau, ar gyfer eu cyhoeddi ar dudalennau gwefan Llywodraeth Cymru
- Paratoi crynodebau ystadegol
- Rhoi gwybodaeth i weinidogion iddynt allu gwneud penderfyniadau ynghylch newid polisïau ac ariannu
- Cysylltu â pherchnogion / defnyddwyr tir mewn argyfwng e.e. rheoli clefydau a rheoli tramgwyddau
- Diogelu hawliau ffermwyr mewn cadwraeth tir ac i ateb ymholiadau ynghylch ariannu

- Datgelu gwybodaeth i awdurdodau rheoleiddio, fel Tollau ei Mawrhydi, Cyllid y Wlad a'r heddlu, lle bo lles y cyhoedd yn gofyn am hynny
- Cyhoeddi gwybodaeth ac ymateb i geisiadau am wybodaeth. Bydd yr holl wybodaeth y bydd Llywodraeth Cymru'n ei chadw at ddiben prosesu cais yn cael ei rheoli ganddi yn unol â'i hymrwymiaidau a'i dyletswyddau o dan:
- Cod Ymarfer Llywodraeth Cymru ar Ganiatáu i'r Cyhoedd Weld Gwybodaeth
- Deddf Rhyddid Gwybodaeth 2000
- Deddf Diogelu Data 1998
- Rheoliadau Gwybodaeth Amgylcheddol 2004
- Rheoliad (EC) rhif 908/2014 y Comisiwn.

Gall aelod o'r cyhoedd felly ofyn am gael gweld eich gwybodaeth, gan gynnwys gwybodaeth bersonol amdanoch. Mae'n bosibl y bydd yn rhaid i Lywodraeth Cymru ryddhau'r wybodaeth, gan gynnwys gwybodaeth bersonol amdanoch, wrth ymateb i gais o'r fath. Bob tro, wrth wneud, bydd yn cadw at y canllawiau yng Nghod Llywodraeth Cymru ar Ganiatáu i'r Cyhoedd Weld Gwybodaeth.

Mae copi o'r Cod i'w weld ar y rhyngwrwd yn:

www.cymru.gov.uk/cyhoeddiadau

www.wales.gov.uk/publications

Yn ôl Rheoliad (EC) rhif 908/2014 y Comisiwn, rhaid i Lywodraeth Cymru gyhoeddi gwybodaeth bob blwyddyn am y personau cyfreithiol sy'n derbyn taliadau'r Polisi Amaethyddol Cyffredin (PAC). Cyhoeddir taliadau pawb fydd wedi cael mwy na €1,250 mewn unrhyw flwyddyn. Cyhoeddir yr wybodaeth ar 30 Ebrill bob blwyddyn ar wefan chwiladwy a bydd yn cynnwys enw'r busnes a thref agosaf y sawl fydd wedi cael grant gyda manylion y symiau a'r cynlluniau y talwyd y grantiau trwyddynt. Ni chyhoeddir manylion y rheini fydd wedi cael llai na €1,250 mewn blwyddyn. Bydd yr wybodaeth ar gael ar wefan DEFRA: <http://cap-payments.defra.gov.uk/>

Hawliau o dan Ddeddf Diogelu Data 1998

Mae Deddf Diogelu Data 1998 yn rhoi hawliau penodol i unigolion mewn perthynas â'r data personol a gedwir amdanynt. Dyma rai enghreifftiau o'r hawliau hyn, er nad yw hon yn rhestr gyflawn:

- Bod yr wybodaeth bersonol sydd gennym amdanynt yn cael ei phrosesu'n deg a chyfreithlon;
- Yr hawl i gael copïau o'r wybodaeth bersonol sydd gan Lywodraeth Cymru amdanynt, er y gall Llywodraeth Cymru wrthod gwneud hynny weithiau;
- Yr hawl, o dan rai amgylchiadau, i rwystro Llywodraeth Cymru rhag prosesu gwybodaeth bersonol os byddai gwneud hynny'n gwneud niwed neu'n achosi gofid;
- Yr hawl o dan rai amgylchiadau i ofyn am gywiro gwybodaeth anghywir.

Bydd hawl gan unigolion hefyd i ofyn i'r Comisiynydd Gwybodaeth, sy'n gorfodi ac yn cadw golwg ar Ddeddf Diogelu Data 1998, farnu a fyddwn, wrth brosesu'ch gwybodaeth bersonol, yn debygol o gadw at amodau'r Ddeddf.

Nid aiff yr wybodaeth y tu allan i'r Undeb Ewropeaidd oni bai bod rheswm da dros wneud hynny (e.e. pe bai clefyd yn mynd ar led). Os bydd rheswm da, bydd Llywodraeth Cymru'n gwneud yn siwr bod yr wybodaeth yn dal i gael ei phrosesu yn unol â Deddf Diogelu Data 1998.

Gofyn am fwy o Wybodaeth

Am ragor o wybodaeth ynghylch yr wybodaeth fydd yn cael ei chasglu a sut y bydd yn cael ei defnyddio, os oes gennych bryderon ynghylch cywirdeb eich data personol neu os ydych am arfer eich hawliau o dan Ddeddf Diogelu Data 1998, cysylltwch â Chanolfan Gyswllt i Gwsmeriaid Taliadau Gwledig Cymru.

Atodiad 1

Cnydau sy'n gymwys ar gyfer Cyfradd Dalu 1	
Afalau	Grawnwin
Artisiôc	Gwenith y gors
Asbaragws	Hadau Blodau'r Haul
Barf-yr-afr	Hopys
Basil	Letus
Berw – salad	Liwsern / maglys
Berw dŵr	
Berwr y gerddi	Llysiau'r Cwlwm
Betys	Maro / Pwmpen / Squash / Courgette
Bresych a bresych eraill	Mefus
Bysedd y blaidd pêr	Melonau
Cennin Pedr	Moron
Cucumerau	Oregano
Dil	Pannas
Eirin / Eirin Gwyrdd / Eirin Duon Bach	Persli
Eirin Mair /Cwrens coch/du/gwyn	Planhigyn Wy
Erfin / Maip / Teiffon	Pupys
Garddwriaeth – cynhyrchu cymysg	Pŷs (dringo ac eraill)
Gellyg	Radis
Ffa – gwyrdd / Ffrengig / Dringo	Riwbob
Ffacbys	Rhosod
Ffawlys	Rhuddygl y meirch
Ffenigl	Saets
Ffenigrig	Saffrwm

Cnydau sy'n gymwys ar gyfer Cyfradd Dalu 1	
Sbinaets	
Scorzonera	

Seleriac	
Sicori	
Tafod yr ŷch	
Tatws	
Tiwlip	
Tomatos	
Winwns / Cennin / Sialots / Garlleg	
Lafant	

Atodiad 2- Prawf Ffermwr Actif

Bydd angen ichi basio'r prawf Ffermwr Actif yn flynyddol drwy'r Ffurflen Gais Sengl i fod yn gymwys am Glastir Organig.

Byddwch yn gymwys:

Os ydych wedi derbyn taliad (yn cynnwys y rhandaliad a'r taliad olaf) o lai na €5,000 o dan BPS 2016 cyn bod unrhyw cosbau gweithredol a trawsgydymffurfio cael eu ymroi. Ble nad oes taliad wedi ei wneud oherwydd a gostyngiadau a chosbau, bydd y €5,000 yn cael ei asesu yn erbyn gweithredol potensial hawliedig taliadedig os na fyddai'r cosbau wedi cael eu ymroi. Bydd Ffermwyr a oedd heb hawliadau BPS yn 2015, yn cael asesiad statws **Ffermwr Actif yn ôl ei atebion ar SFA 2016.**

Os ydych chi'n ffermwr sy'n ymgymryd â gweithgareddau ffermio a rheoli tir ar dir cymwys sydd ar gael i chi ei ddefnyddio/o dan eich rheolaeth ac nad yw'ch busnes yn gweithredu unrhyw un o'r canlynol: gwasanaethau rheilffordd: meysydd awyr, gwaith dŵr, gwasanaethau eiddo tiriog a reolir ar sail ffi neu gontract, tir chwaraeon a hamdden parhaol.

Efallai na fyddwch yn gymwys:

Os ydych chi'n gweithredu unrhyw un o'r canlynol: gwasanaethau rheilffordd: meysydd awyr, gwaith dŵr, gwasanaethau eiddo tiriog a reolir ar sail ffi neu gontract, tir chwaraeon a hamdden parhaol ac na allwch chi fodloni o leiaf un o'r meini prawf canlynol:

- Bod cyfanswm y Taliadau Uniongyrchol (ar gyfer 2015, defnyddiwch Gynllun Taliad Sengl 2014) yn dod i o leiaf 5% o'ch derbynebau o weithgareddau anamaethyddol. Er mwyn bodloni'r prawf hwn, bydd angen i chi gyflwyno llythyr gan gyfrifydd siartredig yn cadarnhau ei fod wedi archwilio'ch cyfrifon a'ch bod yn bodloni'r prawf hwn.

- Bod cyfanswm derbyniadau o weithgareddau amaethyddol yn cynrychioli o leiaf 40% o gyfanswm derbyniadau y busnes yn y flwyddyn ariannol diweddaraf ble mae tystiolaeth ar gael.

Bod eich daliad amaethyddol yn fwy na 21 hectar.

Er mwyn ail-gymhwyso fel ffermwr actif bydd angen i chi ddarparu'r wybodaeth ategol ofynnol erbyn 15 Mai bob blwyddyn gyda eich Ffurflen Cais Sengl drwy RPW Ar-lein yn cadarnhau os yr ydych chi'n gweithredu'r gwasanaethau, ond eich bod yn ddibynnol ar un o'r criteria.

Fe'ch cynghorir i gael cyngor cyfreithiol a/neu ariannol annibynnol i sicrhau y gallwch chi fodloni'r amodau hyn. Os na fyddwch chi'n datgan eich bod yn gweithredu un o'r gwasanaethau hyn a bod ein rheolaethau'n datgelu eich bod yn gwneud hynny, byddech yn colli'ch holl daliadau Organig a wnaed.

Tir sy'n cael ei gadw'n naturiol mewn cyflwr addas i'w drin a'i bori

Os ystyrir bod mwy na 50% o'ch tir amaethyddol yn "cael ei gadw'n naturiol mewn cyflwr addas i'w drin a'i bori" (yng Nghymru, mae hyn yn golygu morfeydd heli a thwyni tywod arfordirol), efallai na fyddwch chi'n gymwys i fod yn ffermwr actif oni bai eich bod yn:

- ymgymryd ag o leiaf y lefel isaf dderbyniol o bori (0.01-0.05 o unedau da byw yr hectar y flwyddyn)
- cynnal a chadw ffensys cadw stoc a darparu d ŵ r ffres i dda byw, neu reoli planhigion ymledol, niweidiol
- defnyddio'r tir sy'n cael ei gadw'n naturiol ar gyfer gweithgaredd amaethyddol.